

形容杜鹃花的古诗词

1.
望帝千年魄，春山几度风。声声向谁白，岁岁作花红。寂寞荒烟裹，妖娆细雨中。可怜溅成血，无复见蚕丛。——丘葵《杜鹃花》
2.
千山绕缭杜鹃开，挂纸纍尊满插来。应是空斋兄妹血，年年春雨不能灰。
。——周玉箫《山杜鹃花》
3.
去年曾看杜鹃花，醉出春林日已斜。今日北岩山下路，独冲烟雨过僧家。
。——刘崧《雨中见杜鹃花》
4.
蚕老麦黄三月天，青山处处有啼鹃。断崖几树深如血，照水晴花暖欲然。
。三叹鹤林成梦寐，前生阆苑觅神仙。小山拄颐愁无奈，又怕声声聒夜眠。
。——释择璘《咏杜鹃花》
5.
杜鹃花与鸟，怨艳两何赊。疑是口中血，滴成枝上花。一声寒食夜，数朵野僧家。
。谢豹出不出，日迟迟又斜。——成彦雄《杜鹃花》
6.
杜鹃花发杜鹃啼，似血如朱一抹齐。应是留春留不住，夜深风露也寒凄。
。——秋瑾《杜鹃花·杜鹃花发杜》
7.
金鸭香烧午夜烟，空弹宝瑟怨流年。东风一架蔷薇雪，老尽春风是杜鹃。
。——柳桂孙《杜鹃花》

8.
小园晴日暖如烘，满树花开烂漫红。谁谓杜鹃啼不止，春来也会笑东风。
——朱焯《小平园观杜鹃花》
9.
云昏水暖草萋萋，空谷无人独杖藜。却忆西江石楼老，送春花下子规啼。
——葛立方《题卧屏十八花·杜鹃花》
10.
春心伤尽啼无血。化为花，枝枝似雪。色已瑶姬，魂犹望帝，长含霜月。
红颜一夕成白发。笑冰姿、胭脂尽脱。暮雨蚕丛，朝烟剑阁，谁怜凄绝。
——屈大均《玉团儿·白杜鹃花》
11.
杜鹃花落石阑干，新染晴波绿绕湾。小立伫诗风满袖，一双睡鸭占春閒。
——方岳《春思·杜鹃花落石阑干》
12.
蜀国曾闻子规鸟，宣城还见杜鹃花。一叫一回肠一断，三春三月忆三巴。
——李白《宣城见杜鹃花》
13.
宫莺漫妒花颜色。蜀道魂无极。几时上苑与移根。不向蛮乡烟驿染啼痕。
——陈洵《虞美人·黄杜鹃花》
14.
杜鹃花发映山红。韶光觉正浓。水流红紫各西东。绿肥春已空。闲戏蝶，
懒游蜂。破除花影重。问春何事不从容。忧愁风雨中。——赵师侠《
阮郎归·杜鹃花发映山红》
15.
未问移栽日，先愁落地时。疏中从间叶，密处莫烧枝。郢客教谁探，胡
蜂是自知。周回两三步，常有醉乡期。——方干《杜鹃花》

16.

烟雨艳阳天，山花发杜鹃。魂愁数叶暗，血渍一丛鲜。正色争炎日，重台沓绛笺。春风几开落，遗恨自年年。——徐渭《杜鹃花》

17.

啼鸟愁如歇，闲情寄浅缃。眉新欲试喜，额晓待添妆。酒色醅莺羽，春情驻柳香。愁心迷望帝，聊学赭袍黄。——王夫之《花咏八首·其六·黄杜鹃》

18.

春山琪树绿交加，蜀帝残魂怨月斜。啼血满枝无着处，春风吹作艳阳花。——王佐《杜鹃花》

19.

春红始谢又秋红，息国亡来入楚宫。应是蜀冤啼不尽，更凭颜色诉西风。——吴融《送杜鹃花》

20.

鲜红滴滴映霞明，尽是冤禽血染成。羁客有家归未得，对花无语两含情。——杨巽斋《杜鹃花》

21.

愁锁色云往事空，只将遗恨寄芳丛。归心千古终难白，啼血万山多是红。枝带翠烟深夜月，魂飞锦水旧东风。至今染出怀乡恨，长挂长人望眼中。——真山民《杜鹃花得红字·愁锁色云往事空》

22.

蜀帝魂销恨不穷，野花开落倚东风。吻干无复枝头血，几度啼来染不红。——于石《白杜鹃花》

23.

云树重重和泪吟，故宫遗庙有知音。秦吴万里皆芳草，染到山花恨最深。——周文璞《杜鹃花》

24.

杜鹃踟躅正开时，自是山家一段奇。莫据眼前看易厌，帝城只卖担头枝。
。——李时可《杜鹃花》

25.

花花叶叶正含芳，丽景朝朝夜夜长。何事江南春去尽，子规声里驻年光。
。——张献翼《杜鹃花漫兴》

26.

轻剪梢头薄薄罗，子规湔血恨难磨。园林莫道香飞尽，嫩绿枝头不用多。
。——易士达《杜鹃花》

27.

泣露啼红作麽生，开时偏值杜鹃声。杜鹃口血能多少，不是征人泪滴成。
。——杨万里《晓行道旁杜鹃花》

28.

百年过半学忘情，绮语芟除手亦生。因甚对花情未了，杜鹃颜色正倾城。
。——杨守礼《杜鹃花》

29.

若比众芳应有在，难同上品是中春。牡丹为性疏南国，朱槿操心不满旬。
留得却缘真达者，见来宁作独醒人。鹤林太盛今空地，莫放枝条出四邻。
。——李咸用《同友生题僧院杜鹃花》

30.

树底催归咽一声，夕阳喷恨入繁英。枝枝血染花风晚，萼萼愁开谷雨晴。
尚有春魂遗万古，岂无月色照三更。冤红遮莫随流水，最挠天涯蜀客情。
。——董嗣杲《杜鹃花》

31.

从来只说映山红，幻出铅华夺化工。莫是杜鹃飞不到，故无啼血染芳丛。
。——杨公远《白杜鹃花》

32.

杜鹃花时天艳然，所恨帝城人不识。丁宁莫遣春风吹，留与佳人比颜色。
。——施肩吾《杜鹃花词》

33.

一园红艳醉坡陀，自地连梢簇萼罗。蜀魄未归长滴血，只应偏滴此丛多。
。——韩偓《净兴寺杜鹃一枝繁艳无比》

34.

采缣轻红药，丹痕竞紫榴。仙归十里幄，云指九重楼。晴雾笼深晕，平塘炫碧流。如何蜀鸟恨，夜月未消愁。——王夫之《花咏八首·其五·杜鹃》

35.

蜀鸟啼来口血深，染成花萼满空林。芳魂不逐风吹散，还向天涯醉客心。
。——王恭《杜鹃花》

本文链接：<https://duanjuziku.com/duanjuzi/8436cre9mj.html>